

ერთი მხრივ, შპს „საქართველოს მელიორაცია“ (მის: თბილისი, გ. გულუას ქუჩა №6), წარმოდგენილი - მისი ტექნიკური დირექტორის თენგიზ ლაკირბაიას სახით (შემდგომში "შემსყიდველი") და მეორე მხრივ, შპს „ჰიდრო ემ“ (იურიდიული მის: საქართველო, თბილისი, სამგორის რაიონი, ენუქიძის ქუჩა, №4) წარმოდგენილი - მისი დირექტორი - გიორგი ბურკიაშვილის სახით (შემდგომში "მიმწოდებელი"), ვდებთ წინამდებარე ხელშეკრულებას შემდეგზე:

"სახელმწიფო შესყიდვების შესახებ" საქართველოს კანონისა და სახელმწიფო შესყიდვების სააგენტოს თავმჯდომარის 14.06.2017წ. N12 ბრძანებით დამტკიცებული „ელექტრონული ტენდერის ჩატარების წესი“-ს მოთხოვნათა შესაბამისად, შემსყიდველმა გამოაცხადა ელექტრონული ტენდერი (აუქციონის გარეშე) "მარნეულის მუნიციპალიტეტში, ადმანეზბელი-თამარისის სარწყავი სისტემის მაგისტრალური არხის საწყისი მონაკვეთის რეაბილიტაციის" სამუშაოების სახელმწიფო შესყიდვაზე, რომელშიც, სატენდერო კომისიის გადაწყვეტილებით, გამარჯვებულად მიჩნეულ იქნა მიმწოდებლის წინადადება შემდეგ თანხაზე: **454'082.00 (ოთხას ორმოცდათოთხმეტი ათას ოთხმოცდაორი) ლარი დღგ-ს ჩათვლით** (შემდგომში "ხელშეკრულების ღირებულება"). დაფინანსების წყარო - სახელმწიფო ბიუჯეტი.

**1. ტერმინთა განმარტებები**

- 1.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას;
- 1.2. "მიმწოდებელი" ნიშნავს პირს, რომელმაც მოიპოვა გამარჯვება შემსყიდველის მიერ გამოაცხადებულ ტენდერში (NAT210020807).
- 1.3. "ხელშეკრულება სახელმწიფო შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 1,2 პუნქტში მითითებული ტენდერისათვის, წარმოდგენილი, ყველა დოკუმენტით, კერძოდ:
  - 1.3.1. სამუშაოს ხარჯთაღრიცხვა (დანართი №1).
  - 1.3.2. NAT210020807 ელ. ტენდერში ატვირთული ტექნიკური დავალება (ანოტაცია, განმარტებითი ბარათი, ტექნიკური სპეციფიკაცია, ნახაზების ჩამონათვალი, ნახაზები).
  - 1.3.3. ხელშეკრულების შესრულების უზრუნველყოფის საბანკო გარანტია.
- 1.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. "დღე", "კვირა", "თვე" ნიშნავს კალენდარულ დღეს, კვირას, თვეს.

**2. ხელშეკრულების საგანი**

- 2.1. ხელშეკრულების საფუძველზე მიმწოდებელი კისრულობს ვალდებულებას, NAT210020807 ელ. ტენდერის პირობების შესაბამისად, მიაწოდოს შემსყიდველს "მარნეულის მუნიციპალიტეტში, ადმანეზბელი-თამარისის სარწყავი სისტემის მაგისტრალური არხის საწყისი მონაკვეთის რეაბილიტაციის" სამუშაოები (შემდგომში "სამუშაო"), ხოლო შემსყიდველი კისრულობს ვალდებულებას, მიიღოს მოთხოვნილი სამუშაო და გადაიხადოს მისი ღირებულება ხელშეკრულებით გათვალისწინებული წესით.
- 2.2. შესყიდვის ობიექტის კლასიფიკატორის კოდი: 45240000.
- 2.3. შესასრულებელი სამუშაოების კონკრეტული დასახელება, განზომილება, რაოდენობა და ერთეულის ფასი განისაზღვრება სამუშაოს ხარჯთაღრიცხვის შესაბამისად (დანართი №1).

**3. ხელშეკრულების შესრულების კონტროლი**

- 3.1. შემსყიდველი უფლებამოსილია ნებისმიერ ეტაპზე განახორციელოს მიმწოდებლის მიერ ნაკისრი ვალდებულებების შესრულების კონტროლი/ინსპექტირება;
- 3.2. შემსყიდველი მხრიდან ხელშეკრულების შესრულების კონტროლ/ინსპექტირება ხორციელდება ინსპექტირების ჯგუფისა (მშენებლობის ზედამხედველობის სამსახურის სპეციალისტი მალხაზ ლორთქიფანიძე ან/და მშენებლობის ზედამხედველობის სამსახურის მთავარი სპეციალისტი გიორგი მაკაროვი) და შემსყიდველის მიერ დაქირავებული შესაბამის სფეროში აკრედიტირებული სამშენებლო სამუშაოების ტექნიკური ზედამხედველი კომპანიის შპს „ოპტიმალ გრუპ +" (შემდგომში „ზედამხედველი“) მიერ;
- 3.3. ინსპექტირების განმახორციელებელი პირების ფუნქციებია:
  - 3.3.1. ხელშეკრულებით გათვალისწინებული ვადების გაკონტროლება (შემსყიდველის ინსპექტირების ჯგუფი/ზედამხედველი);
  - 3.3.2. შესრულებული სამუშაოს შესაბამისობის დადგენა ხელშეკრულებით გათვალისწინებულ მოთხოვნებთან (ზედამხედველი);
  - 3.3.3. მიღება-ჩაბარების აქტის გაფორმებასთან დაკავშირებული მოქმედებების განხორციელება (ზედამხედველი) და შესრულებული სამუშაოს მიღების უზრუნველყოფა (შემსყიდველის ინსპექტირების ჯგუფი);
  - 3.3.4. მიმწოდებლის მიერ წარმოდგენილი სამუშაოების შესრულების გეგმა-გრაფიკის შეთანხმების პროცესში მონაწილეობის მიღება და ხელშეკრულებაზე დართვის მიზნით მიმწოდებელთან შეთანხმებული გეგმა-გრაფიკის შესყიდვების დეპარტამენტში გადაზღვრა, ხელშეკრულების მე-4 მუხლის 4.2 და 4.3 პუნქტების გათვალისწინებით (შემსყიდველის ინსპექტირების ჯგუფი).
- 3.4. მიმწოდებელი ვალდებულია საკუთარი ხარჯებით უზრუნველყოს შემსყიდველი კონტროლის/ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში, თუ შემსყიდველი კონტროლის/ინსპექტირების პროცესში გამოიყენებს გამოიყენებს საკუთარ ან მოწვეულ პერსონალს, მის შრომით ანაზღაურებას უზრუნველყოფს თავად შემსყიდველი;
- 3.5. ფარული სამუშაოების წარმოების შემთხვევაში, მიმწოდებელი ვალდებულია აღნიშნულის თაობაზე აცნობოს ზედამხედველს და მათი დასწრების/თანხმობის გარეშე არ მიიყვანოს სამუშაოები იმ ეტაპზე, რის შემდეგაც შეუძლებელი იქნება ფარული სამუშაოების ხასიათისა და მოცულობის შეფასება.
- 3.6. მიმწოდებელი ვალდებულია საკუთარი ხარჯებით უზრუნველყოს კონტროლის/ინსპექტირების შედეგად გამოვლენილი ყველა დეფექტის/გაუმართაობის აღმოფხვრა და კონტროლის/ინსპექტირების ხელახლა განხორციელებასთან დაკავშირებული ხარჯების ანაზღაურება;
- 3.7. სამუშაოების მიმდინარეობაზე ინსპექტირების განმახორციელებელი პირები კონტროლს/ინსპექტირებას აწარმოებენ საქართველოს კანონმდებლობის, საპროექტო დოკუმენტაციის და ხელშეკრულების პირობების შესაბამისად, რომელთა დარღვევის შემთხვევაში შემსყიდველი უფლებამოსილია, შეაჩეროს სამუშაოების მიმდინარეობა და განახორციელოს ხელშეკრულებით და საქართველოს კანონმდებლობით გათვალისწინებული ზომები;
- 3.8. ხელშეკრულებით განსაზღვრული ვალდებულებების შესრულებლობის ან არააჯროვანი შესრულების შემთხვევაში, ინსპექტირების განმახორციელებელი პირებისა (ინსპექტირების ჯგუფი/ზედამხედველი) და მიმწოდებლის წარმომადგენლებს (გების მონაწილეობით, ფორმდება შესაბამისი აქტი, სადაც დეტალურად აღიწერება ხელშეკრულებით განსაზღვრული ვალდებულებების შესრულებლობის ან არააჯროვანი შესრულების გარემოებები. თუ მიმწოდებლის წარმომადგენელი უარს აცხადებს მონაწილეობაზე ზემოაღნიშნული აქტის შედგენაში, მოცემული

ფაქტი ფიქსირდება ამავე აქტში და იგი იწვევს იგივე სამართლებრივ შედეგებს, რასაც გამოიწვევდა მიმწოდებლის წარმომადგენლის მონაწილეობით შედგენილი აქტი. სამუშაოების არაჯეროვნად შესრულების შემთხვევაში, მიმწოდებელი ვალდებულია საკუთარი ხარჯებით დაუყოვნებლივ აღმოფხვრას დეფექტ(ებ)ი/გაუმართაობები, რომელთა ღირებულება მიმწოდებელს დამატებით არ აუნაზღაურდება.

#### 4. სამუშაოს შესრულების ვადები და ადგილი

- 4.1. მიმწოდებელი ვალდებულია, ხელშეკრულებით გათვალისწინებული სამუშაო განახორციელოს შემსყიდველის წერილობითი დავალებიდან **97 კალენდარულ დღეში**. სარწყავი პერიოდის განმავლობაში (თითოეულ წელს სავარაუდოდ 7 თვე, შესაბამისი წლის მარტი - სექტემბერი), იმ სამუშაოებზე, რომელთა შესრულება რწყვის პარალელურად შეუძლებელი იქნება, შესრულების ვადა გაიზრდება იმ დროით, რა დროითაც შეჩერებული იყო შესაბამისი სამუშაოები. სარწყავი პერიოდის დაწყების ან დასრულების, შესაბამისად, სამუშაოების შეჩერების ან განახლების თაობაზე (ასეთის საჭიროების შემთხვევაში) შემსყიდველი მიმწოდებელს შეატყობინებს სარწყავი პერიოდის დაწყებამდე ან დასრულებამდე სულ მცირე 2 კვირით ადრე.
- 4.2. მიმწოდებელი ვალდებულია, ხელშეკრულების გაფორმებიდან 10 სამუშაო დღის განმავლობაში უზრუნველყოს სამუშაოების შესრულების გეგმა-გრაფიკის წარდგენა და შემსყიდველთან შეთანხმება. გეგმა-გრაფიკი უნდა იყოს, როგორც ხაზოვანი, ასევე, თანხობრივი, თვეების კრილში. აღნიშნული გეგმა-გრაფიკი დაერთვება ხელშეკრულებას დანართად. შემსყიდველისათვის წარდგენილი გეგმა-გრაფიკით განსაზღვრული ვადები უნდა შეესაბამებოდეს ხელშეკრულებით განსაზღვრულ სამუშაოების დასრულების ვადას.
- 4.3. გეგმა-გრაფიკის დარღვევის შემთხვევაში, შემსყიდველის ავრთხილებს მიმწოდებელს და შესაძლებელია მოსთხოვოს და შეითანხმოს განახლებული გეგმა-გრაფიკი, რომელშიც ნაჩვენებია უნდა იყოს თითოეული სამუშაოს ფაქტიური პროგრესი და ის ზეგავლენა, რომელსაც ის იქონიებს დარჩენილი სამუშაოების ვადებზე და ღონისძიებების თანმიმდევრობაზე. განახლებული გეგმა-გრაფიკი მიმწოდებლის მხრიდან წარმოდგენილ უნდა იქნას მოთხოვნიდან 3 სამუშაო დღის ვადაში.
- 4.4. სავალდებულოა სამუშაოები წარმოებული იყოს ხელშეკრულებით გათვალისწინებული სამუშაოთა შესრულების გეგმა-გრაფიკის განუხრელი დაცვით, მაქსიმალურად უწყვეტ რეჟიმში.
- 4.5. ერთზე მეტი გაფრთხილების მიცემის შემთხვევაში, შემსყიდველი უფლებამოსილია ცალმხრივად შეწყვიტოს ხელშეკრულება და ამოქმედოს ხელშეკრულებით საამისოდ განსაზღვრული პირობები.
- 4.6. სამუშაოების წარმოების ადგილია: მარნეულის მუნიციპალიტეტი.
- 4.7. მიმწოდებელი ვალდებულია სამუშაოები შესრულოს საქართველოს კანონმდებლობით გათვალისწინებული შესაბამისი სამშენებლო და გარემოსდაცვითი ნორმებისა და წესების დაცვით. საჭიროების შემთხვევაში ყველა ნებართვის, ლიცენზიის და სხვა უფლების მიმინჭებული დოკუმენტაციის მოპოვება ევალება მიმწოდებელს.

#### 5. სამუშაოს მიღება-ჩაბარების წესი

- 5.1. მიმწოდებლის მიერ შემსყიდველისათვის შესრულებული სამუშაოს წარდგენა ხორციელდება სულ მცირე თვეში ერთხელ. შესრულებული სამუშაოს შემოწმებას და დადასტურებას ახორციელებს ზედამხედველი (3.3.2. პუნქტის შესაბამისად). მიმწოდებელი არ არის შეზღუდული საანგარიშო პერიოდში წარმოადგინოს რამდენიმე შესრულება.
- 5.2. შესრულებული სამუშაო ჩაითვლება მიღებულად მიღება-ჩაბარების აქტის (ფაქტობრივად შესრულებული სამუშაოების მოცულობების მიღების აქტი (ფორმა N2)) გაფორმებისა და საგადასახადო ანგარიშ-ფაქტურის დადასტურების შემდეგ. მიღება-ჩაბარების აქტს ხელს აწერენ: მიმწოდებელის წარმომადგენელი, ზედამხედველი და ინსპექტორების ჯგუფი.
- 5.3. ფარული სამუშაოების მიღება-ჩაბარებისათვის, აუცილებელია დაცული იყოს აღნიშნული ხელშეკრულების 3.5. პუნქტით განსაზღვრული პირობები.
- 5.4. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს, ზედამხედველის მიერ დადასტურებული, შესრულებული სამუშაოს აქტი და საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 5.5. მიღება-ჩაბარების აქტი დგება სამუშაოს (ან მისი ნაწილის) ყოველი მიწოდების დასრულების შემდეგ.
- 5.6. სამუშაოს მიღება და საბოლოო შემოწმება ხდება სამუშაოს შესრულების ადგილზე.
- 5.7. სამუშაოების საბოლოო მიღება-ჩაბარება შემსყიდველის მხრიდან დასტურდება საამისოდ შექმნილი კომისიის მიერ, რომელიც ადგილზე ამოწმებს შესრულებული სამუშაოების შესაბამისობას ხელშეკრულების პირობებთან და ბოლო მიღება-ჩაბარების აქტის გაფორმებიდან 15 (თხუთმეტი) სამუშაო დღის ვადაში იღებს გადაწყვეტილებას სამუშაოს საბოლოო მიღება-ჩაბარების აქტის გაფორმების შესახებ;
- 5.8. სამუშაოს (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას *გონივრულ ვადაში* საკუთარი ხარჯებით უზრუნველყოფს მიმწოდებელი.

#### 6. ანგარიშსწორების პირობები და ვადები

- 6.1. ანგარიშსწორება განხორციელდება უნაღდო ანგარიშსწორების ფორმით, ლარში, ფაქტიურად შესრულებული სამუშაოს მოცულობის შესაბამისად, ხელშეკრულებით გათვალისწინებულ რეკვიზიტებზე.
- 6.2. ანგარიშსწორების მიზნით, მიმწოდებელი ვალდებულია, შემსყიდველს სულ მცირე ყოველთვიურად წარუდგინოს ფაქტობრივად შესრულებული სამუშაოების მთლიანი ღირებულება საანგარიშო პერიოდისა და ნაზარდი ჯამის მითითებით. მიმწოდებელი არ არის შეზღუდული საანგარიშო პერიოდში წარმოადგინოს რამდენიმე შესრულება.
- 6.3. ანგარიშსწორება ხორციელდება ფაქტობრივად შესრულებული სამუშაოებისა და შემსყიდველის უფლებამოსილი წარმომადგენლ(ებ)ის მიერ დადასტურებული მოცულობების მიხედვით, შესაბამისი მიღება-ჩაბარების აქტის საფუძველზე. ანგარიშსწორება განხორციელდება მიღება-ჩაბარების აქტის გაფორმებიდან და საგადასახადო ანგარიშ-ფაქტურის დადასტურებიდან (რომელიც უფრო გვიან დადგება) 10 სამუშაო დღის განმავლობაში.
- 6.4. სამუშაოების საბოლოო მიღება-ჩაბარებით განსაზღვრული ანგარიშსწორება განხორციელდება საბოლოო მიღება-ჩაბარების აქტის გაფორმებიდან 10 (ათი) სამუშაო დღის განმავლობაში;
- 6.5. ყოველი ანგარიშსწორებისას გადასახდელი თანხიდან განხორციელდება დაკვირვები 6.7.8. (ავანსის დაკვირვება), 7.6. (ხარისხის უზრუნველყოფის გარანტია) და 9.8. (ადმინისტრაციული სახდელი) პუნქტების პირობების გათვალისწინებით.
- 6.6. იმ შემთხვევაში, თუ ანგარიშსწორების მომენტისათვის, მიმწოდებელს შემსყიდველის მიმართ აქვს ამ ხელშეკრულებიდან ან სხვა სამართლებრივი ურთიერთობიდან გამომდინარე შეუსრულებელი ფულადი ვალდებულებები (მათ შორის გადაუხდელი პირგასამტეხლო), შემსყიდველი უფლებამოსილია გამოეკეთოს აღნიშნული თანხა გადასახდელი ოდენობიდან.
- 6.7. წინასწარი ანგარიშსწორების პირობები:
  - 6.7.1. მიმწოდებელი უფლებამოსილია შემსყიდველს წარუდგინოს წერილობითი მოთხოვნა წინასწარი ანგარიშსწორების თანხის (ავანსის) გადახდის თაობაზე, რომლის ოდენობა არ უნდა აღემატებოდეს ხელშეკრულების ღირებულების 20%.

- 6.7.2.** ავანსის გადახდის თაობაზე წერილობით მოთხოვნასთან ერთად, მიმწოდებელმა შემსყიდველს უნდა წარუდგინოს ამონაწერი მოვალეთა რეესტრიდან, იმის დასტურად რომ იგი რეგისტრირებული არ არის მოვალეთა რეესტრში, ასევე, ცნობა შესაბამისი ორგანოდან, რომელიც დაადასტურებს, რომ მას არ ერიცხება სალდირებული დავალიანება სახელმწიფო ბიუჯეტის მიმართ. იმ შემთხვევაში, თუ წარმოდგენილი დოკუმენტებით იკვეთება, რომ მიმწოდებელი რეგისტრირებულია მოვალეთა რეესტრში ან სახელმწიფო ბიუჯეტის წინაშე მიმწოდებელს ერიცხება სალდირებული დავალიანება, ავანსის გადახდის საკითხს, მიზანშეწონილობის გათვალისწინებით, გადაწყვეტს შემსყიდველი.
- 6.7.3.** შემსყიდველის მიერ ავანსის გადახდის თაობაზე დადებითი გადაწყვეტილების მიღების შემთხვევაში, მიმწოდებელი ვალდებულია წარმოადგინოს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულების მიერ გაცემული წინასწარი ანგარიშსწორების (საავანსო) საბანკო გარანტია, მოთხოვნილი თანხის იდენტურ ოდენობაზე. შესაძლებელია ასევე წარმოდგენილ იქნას უცხო ქვეყნის საბანკო დაწესებულების მიერ გაცემული საავანსო საბანკო გარანტია, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ. საავანსო საბანკო გარანტიის მოქმედების ვადა 60 კალენდარული დღით უნდა აღმატებოდეს ხელშეკრულების მოქმედების ვადას.
- 6.7.4.** ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია წარმოადგინოს ვადაგაგრძელებული ან ახალი საბანკო გარანტია, რომელიც 60 დღით უნდა აღმატებოდეს ხელშეკრულების გაგრძელებულ ვადას. იმ შემთხვევაში, თუ მიმწოდებელი ხელშეკრულების მოქმედების ვადის გაგრძელების შესახებ შეთანხმების გაფორმებიდან 10 (ათი) სამუშაო დღეში არ ან ვერ უზრუნველყოფს ვადაგაგრძელებული ან ახალი საბანკო გარანტიის წარმოდგენას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტიით გათვალისწინებული თანხის სრულად გამოთხოვის თაობაზე.
- 6.7.5.** ავანსის გადახდა განხორციელდება ზემოაღნიშნული საავანსო საბანკო გარანტიის შემსყიდველისათვის წარდგენიდან 10 სამუშაო დღის განმავლობაში.
- 6.7.6.** საავანსო საბანკო გარანტია უნდა იყოს უპირობო და შემსყიდველს უფლებას აძლევდეს, საავანსო საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საავანსო საბანკო გარანტიით განსაზღვრული შესაბამისი თანხა.
- 6.7.7.** იმ შემთხვევაში, თუ მიმწოდებელი რეგისტრირებულია კეთილსინდისიერ მიმწოდებელთა რეესტრში ე.წ. „ეთერ სიაში“, მიმწოდებელი უფლებამოსილია შემსყიდველს წარუდგინოს საავანსო საბანკო გარანტია გასაცემი ავანსის ნახევრის ოდენობაზე. აღნიშნულ შემთხვევაში, თავდაპირველად განხორციელდება არაუზრუნველყოფილი საავანსო თანხის სრულად დაქვითვა.
- 6.7.8.** ავანსად გადარიცხული თანხის დაქვითვა მოხდება ეტაპობრივად, კერძოდ, მიმწოდებელს შესრულებული სამუშაოს ღირებულებიდან დაუკავდება თანხის ის პროცენტული ოდენობა, ხელშეკრულების ღირებულების რა პროცენტიც მიღებული აქვს ავანსად.
- 6.7.9.** იმ შემთხვევაში, თუ ხელშეკრულებით გათვალისწინებული პირობების შესაბამისად, ხელშეკრულება შეწყდა ვადაზე ადრე ან/და მიმწოდებელი ხელშეკრულებით გათვალისწინებულ ვადაში ვერ უზრუნველყოფს სამუშაოს შესრულებას და მხარეები ვერ თანხმდებიან ამ ვადის გაგრძელებაზე, მიმწოდებელი ვალდებულია შესაბამისი შეტყობინების მიღებიდან არაუგვიანეს 5 სამუშაო დღის ვადაში, დააბრუნოს წინასწარ ავანსის სახით გადარიცხული თანხიდან დაუქვითავი ნაწილი (იგივე ვალდებულება ვრცელდება „ეთერ სიაში“ რეგისტრირებულ მიმწოდებელზე, როგორც არაუზრუნველყოფილ, ასევე, უზრუნველყოფილ საავანსო თანხაზე), წინააღმდეგ შემთხვევაში, შემსყიდველი უფლებამოსილია მიმართოს საავანსო საბანკო გარანტიის გამცემ დაწესებულებას შესაბამისი თანხის დაბრუნების თაობაზე.
- 6.8.** შემსყიდველი უფლებამოსილია, ხოლო მიმწოდებელი თანახმაა ხელშეკრულების 9.3 და 9.5.2 პუნქტ(ებ)ით დაკისრებული პირგასამტეხლო (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 6.9.** ხარჯთაღრიცხვაში ასახული გაუთვალისწინებელი სამუშაოების თანხების ხარჯვა მიმწოდებლის მიერ მოხდება მხოლოდ აუცილებლობიდან გამომდინარე, შემსყიდველთან წინასწარი შეთანხმებით.
- 6.10.** საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

## **7. საგარანტიო პირობები და ვადები**

- 7.1** მიმწოდებელი იძლევა გარანტიას, რომ შესრულებული სამუშაო იქნება ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება სამუშაოს შესრულების ტექნიკურ პირობებს.
- 7.2** გარანტია ვრცელდება შენობა-ნაგებობებზე და მათ სამშენებლო სამუშაოებზე გამოყენებულ ნებისმიერ მასალაზე, ასევე, ელექტრო, მექანიკურ და ელექტრო-მექანიკურ დანადგარებზე/მოწყობილობებზე (მათ შორის ძრავები, ტუმბოები, ფარები, ამწე მექანიზმები, სარქველები, ურდულები და ა.შ).
- 7.3** შესრულებული სამუშაოს საგარანტიო ვადა შეადგენს 3 (სამი) წელს, შემსყიდველისა და მიმწოდებლის უფლებამოსილი პირების მიერ სამუშაოების საბოლოო მიღება-ჩაბარების აქტის გაფორმების თარიღიდან. აღნიშნული ვადის პირველი წლის განმავლობაში, შესრულებული სამუშაოს ხარისხის დაცვის მიზნით, მიმწოდებლის პასუხისმგებლობა დეფექტ(ებ)ის/გაუმართაობ(ებ)ის აღმოფხვრაზე უზრუნველყოფილი იქნება სამუშაოების ღირებულების 5%-ით.
- 7.4** შემსყიდველის მხრიდან, საგარანტიო ვალდებულების შესრულების საჭიროების თაობაზე, შეტყობინების მიღებიდან 10 კალენდარული დღის განმავლობაში, მიმწოდებელი ვალდებულია საკუთარი ხარჯებით აღმოფხვრას ყველა გამოვლენილი დეფექტი/გაუმართაობა. იმ შემთხვევაში თუ დეფექტ(ებ)ის/გაუმართაობ(ებ)ის სირთულიდან გამომდინარე, მის აღმოსაფხვრელად საჭიროა მეტი ვადა, მიმწოდებელმა 10 დღიანი ვადის გასვლამდე შემსყიდველთან უნდა შეთანხმოს მოცემული ვადის გაგრძელების საკითხი. ნებისმიერ შემთხვევაში დეფექტ(ებ)ის/გაუმართაობ(ებ)ის აღმოფხვრის ვადა არ შეიძლება აღმატებოდეს 30 კალენდარულ დღეს, შემსყიდველის მხრიდან, საგარანტიო ვალდებულების შესრულების საჭიროების თაობაზე, შეტყობინების მიღების დღიდან. ზემოაღნიშნული ვადების დარღვევის შემთხვევაში, მიმწოდებელს პირგასამტეხლოს სახით დაერიცხება ხელშეკრულების ღირებულების 0.05% ყოველი ვადაგადაცილებული დღისათვის. საგარანტიო ვადის პირველი წლის განმავლობაში, პირგასამტეხლოს მოთხოვნიდან 5 (ხუთი) სამუშაო დღეში გადაუხდელობის შემთხვევაში, შესაბამისი თანხა დაიქვითება 7.6 პუნქტის თანახმად დაკავებული თანხიდან.
- 7.5** თუ საგარანტიო ვადის ამოწურვის მომენტისათვის შემსყიდველს მიმწოდებლისთვის გაგზავნილი აქვს საგარანტიო ვალდებულების შესრულების საჭიროების შეტყობინება ან თუ მოცემულ დროს წარმოებს გამოვლენილი დეფექტ(ებ)ის/გაუმართაობ(ებ)ის აღმოფხვრის სამუშაოები, შესრულებული სამუშაოს საგარანტიო ვადა გაგრძელდება შესაბამისი დეფექტ(ებ)ის/გაუმართაობ(ებ)ის აღმოფხვრამდე.
- 7.6** შესრულებული სამუშაოების ხარისხის დაცვის მიზნით, შემსყიდველის მიერ ყოველი შესრულებული სამუშაოს ღირებულებიდან დაკავებული იქნება ამ სამუშაოს ღირებულების 5%. აღნიშნული თანხის ნახევარი (2.5%) მიმწოდებელს აუნაზღაურდება დეფექტებზე პასუხისმგებლობის პირველი 6 თვის გასვლის შემდეგ, ხოლო მეორე ნახევარი (2.5%) - დეფექტებზე პასუხისმგებლობის 1 წლის გასვლის შემდეგ. ამასთან, ორივე შემთხვევაში, ანაზღაურება მოხდება მხოლოდ მას შემდეგ, რაც შემსყიდველის უფლებამოსილი წარმომადგენელი დაამოწმებს, რომ მიმწოდებლის მიერ გასწორებულია ყველა აღმოჩენილი დეფექტი (ასეთის არსებობის შემთხვევაში), ამ მუხლით განსაზღვრულ პასუხისმგებლობის პერიოდ(ებ)ის დასრულებამდე.
- 7.7** იმ შემთხვევაში, თუ ნებისმიერი მიზეზით, მიმწოდებელი ვერ/არ უზრუნველყოფს საგარანტიო პერიოდში გამოვლენილი დეფექტ(ებ)ის/გაუმართაობ(ებ)ის აღმოფხვრას, სამუშაოს ხარისხის დაცვის მიზნით შესაბამისი ეტაპისთვის დაკავებული თანხა (ასეთის არსებობის შემთხვევაში), პირგასამტეხლოს სახით, მთლიანად რჩება შემსყიდველს, ხოლო საგარანტიო ვადის პირველი წლის შემდეგ, თუკი

ხარისხის დაცვის მიზნით დაკავებული თანხა დაბრუნებულია, მიმწოდებელს დეფექტ(ებ)ის/გაუმართაობ(ებ)ის აღმოუფხვრელობისათვის დაეკისრება პასუხისმგებლობა საქართველოს კანონმდებლობის შესაბამისად.

- 7.8** თუ 7.7 პუნქტში აღნიშნული დეფექტ(ებ)ის/გაუმართაობ(ებ)ის აღმოფხვრისათვის საჭირო თანხა აღემატება სამუშაოს ხარისხის დაცვის მიზნით დაკავებულ თანხას, შემსყიდველი უფლებამოსილია, დამატებით მოსთხოვოს მიმწოდებელს აღნიშნული სხვაობის ანაზღაურება საქართველოს კანონმდებლობით დადგენილი წესით.
- 7.9** შემსყიდველი უფლებამოსილია, საგარანტიო პერიოდის განმავლობაში, გადაუხადოს მიმწოდებელს სამუშაოს ხარისხის დაცვის მიზნით დაკავებული თანხა, იმ შემთხვევაში, თუ მიმწოდებელი წარმოადგენს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულების მიერ გაცემულ საბანკო გარანტიას, დაკავებული თანხის იდენტურ ოდენობაზე (შესაძლებელია ასევე წარმოდგენილი იქნას უცხო ქვეყნის საბანკო დაწესებულების მიერ გაცემული საბანკო გარანტია, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ). ამასთან, შემსყიდველის უფლებამოსილი წარმომადგენელი უნდა ადასტურებდეს, მოცემული მომენტისთვის, შესრულებულ სამუშაოზე დეფექტ(ებ)ის/გაუმართაობ(ებ)ის არარსებობას.
- 7.10** 7.9 პუნქტით გათვალისწინებული საბანკო გარანტია უნდა იყოს უპირობო და შემსყიდველს უფლებას აძლევდეს, საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საბანკო გარანტიით განსაზღვრული სრული თანხა. აღნიშნულ საბანკო გარანტიის უნდა გააჩნდეს მოქმედების ვადა საბოლოო მიღება-ჩაბარების აქტის გაფორმებიდან არანაკლებ 425 კალენდარული დღის განმავლობაში.

## **8. ხელშეკრულების შეწყვეტა**

- 8.1.** ხელშეკრულების ერთ-ერთი მხარის მიერ ხელშეკრულების ვალდებულებ(ებ)ის შეუსრულებლობის ან არაჯეროვანი შესრულების შემთხვევაში, მეორე მხარეს შეუძლია მიიღოს გადაწყვეტილება ხელშეკრულების სრული ან მისი ცალკეული პირობის მოქმედების შეწყვეტის შესახებ, რაზედაც აცნობებს მეორე მხარეს წერილობითი ფორმით.
- 8.2.** ხელშეკრულების ცალკეული პირობების მოქმედების შეწყვეტა არ ათავისუფლებს მეორე მხარეს ხელშეკრულებით განსაზღვრული სხვა პირობების შესრულებისაგან.
- 8.3.** ხელშეკრულების შეწყვეტა ურთიერთშეთანხმების საფუძველზე ხორციელდება მხარეთა შორის დანართის გაფორმების გზით.
- 8.4.** შემსყიდველი უფლებამოსილია, ვადაში, ცალმხრივად შეწყვიტოს ეს ხელშეკრულება თუ:
- 8.4.1.** მიმწოდებელი არღვევს (არ ასრულებს ან არაჯეროვნად ასრულებს) ხელშეკრულებით განსაზღვრულ ვალდებულებას/ ვალდებულებებს;
  - 8.4.2.** მიმწოდებლის მიმართ მიმდინარეობს გაკოტრების ან გადახდისუუნარობის საქმისწარმოება (მიუხედავად მისი დაწყების დროისა);
  - 8.4.3.** მიმწოდებლის ქონებას დაედო ყადაღა, თუ ეს გარემოება ზეგავლენას ახდენს ან შესაძლებელია, ზეგავლენა მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
  - 8.4.4.** მიმდინარეობს მიმწოდებლის რეორგანიზაცია, თუ ეს გარემოება ზეგავლენას ახდენს ან შესაძლებელია, მოახდინოს ხელშეკრულებით გათვალისწინებული ვალდებულებ(ებ)ის შესრულებაზე;
  - 8.4.5.** ამოიწურა ხელშეკრულებაზე თანდართული ხელშეკრულების შესრულების უზრუნველყოფის საბანკო გარანტიით განსაზღვრული ვადა და მიმწოდებელმა შემსყიდველს არ წარუდგინა ახალი საბანკო გარანტია;
  - 8.4.6.** მიმწოდებელმა განმეორებით დაარღვია ხელშეკრულებაზე თანდართული სამუშაოების შესრულების გეგმა-გრაფიკი;
  - 8.4.7.** ხელშეკრულების გაფორმების შემდეგ შემსყიდველისათვის ცნობილი გახდა, რომ მიმწოდებელმა ხელშეკრულების დადების მიზნით ჩაიდინა არაკეთილსინდისიერი ქმედება;
  - 8.4.8.** საქართველოს კანონმდებლობით გათვალისწინებულ სხვა შემთხვევებში.
- 8.5.** შემსყიდველის მიერ ხელშეკრულების ცალმხრივად შეწყვეტის შემთხვევაში, შემსყიდველი უფლებამოსილია, ამოქმედოს ხელშეკრულების მე-12 მუხლში განსაზღვრული ხელშეკრულების შესრულების უზრუნველყოფის საბანკო გარანტია სრული ოდენობით. ამ შემთხვევაში საბანკო გარანტიის ამოქმედება მიმწოდებელს არ ათავისუფლებს შემსყიდველისთვის მიყენებული ზიანის ანაზღაურების ვალდებულებისგან.

## **9. მხარეთა პასუხისმგებლობა**

- 9.1.** მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, კანონმდებლობით დადგენილი წესით.
- 9.2.** შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.07 პროცენტი ყოველი ვადაგადაცილებული დღისათვის.
- 9.3.** მიმწოდებელი კისრულობს პასუხისმგებლობას სამუშაოს შესრულების ვადებით გათვალისწინებული, საბოლოო ვადის დარღვევის შემთხვევაში, პირგასამტეხლოს სახით შემსყიდველს გადაუხადოს შეუსრულებელი სამუშაოს ღირებულების 0.5 პროცენტი ყოველი ვადაგადაცილებული დღისათვის, მაგრამ არანაკლებ 500 ლარისა დღეში.
- 9.4.** ხელშეკრულების 4.5. პუნქტით გათვალისწინებულ შემთხვევაში, კერძოდ, გეგმა-გრაფიკის არაერთგზისი დარღვევისას, შემსყიდველს უფლება აქვს ცალმხრივად შეწყვიტოს ხელშეკრულება და დააკისროს მიმწოდებელს 9.5.-9.6. პუნქტებით გათვალისწინებული პირგასამტეხლო. ამ შემთხვევაში, 9.3 პუნქტით დარიცხული პირგასამტეხლო აღარ გამოიყენება.
- 9.5.** ხელშეკრულების ნაწილობრივი შესრულების შემთხვევაში, მიმწოდებელს დაეკისრება პირგასამტეხლო ერთ-ერთი შემდეგი მეთოდით:
- 9.5.1.** იმ შემთხვევაში, თუ ხელშეკრულების შეწყვეტის ან ვადის გასვლის მომენტისათვის მოცემული ხელშეკრულების მე-5 მუხლით გათვალისწინებული წესით გაფორმებული მიღება-ჩაბარების აქტ(ებ)ით დადასტურებული შესრულებული სამუშაოების ღირებულება აღემატება ხელშეკრულების ჯამური ღირებულების 65%-ს, შემსყიდველი გამოითხოვს ხელშეკრულების შესრულების უზრუნველყოფის საბანკო გარანტიას სრულად.
  - 9.5.2.** იმ შემთხვევაში, თუ ხელშეკრულების შეწყვეტის ან ვადის გასვლის მომენტისათვის მოცემული ხელშეკრულების მე-5 მუხლით გათვალისწინებული წესით გაფორმებული მიღება-ჩაბარების აქტ(ებ)ით დადასტურებული შესრულებული სამუშაოების ღირებულება არ აღემატება ხელშეკრულების ჯამური ღირებულების 65%-ს, მიმწოდებელს დაეკისრება პირგასამტეხლო ხელშეკრულების ღირებულების 5%-ის ოდენობით, ასევე, შემსყიდველი გამოითხოვს ხელშეკრულების შესრულების უზრუნველყოფის საბანკო გარანტიას სრულად.
- 9.6.** ხელშეკრულებით გათვალისწინებული სამუშაოების შეუსრულებლობის შემთხვევაში მიმწოდებელს დაეკისრება პირგასამტეხლო ხელშეკრულების ღირებულების 10%-ის ოდენობით, ასევე, შემსყიდველი გამოითხოვს ხელშეკრულების შესრულების უზრუნველყოფის საბანკო გარანტიას სრულად.
- 9.7.** მხარეები თავისუფლდებიან პასუხისმგებლობისაგან, თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან შემსყიდველის მხრიდან სამუშაოების შეჩერების მოთხოვნით.
- 9.8.** მიმწოდებლის მიერ ჩადენილი საქართველოს ადმინისტრაციული სამართალდარღვევათა კოდექსით გათვალისწინებული სამართალდარღვევისათვის, შემსყიდველისათვის დაკისრებული ადმინისტრაციული სახდელისათვის პასუხისმგებლობა ეკისრება მიმწოდებელს.

## 10. ფორს-მაჟორი

- 10.1. ამ მუხლის მიზნებისათვის “ფორს-მაჟორი” ნიშნავს მხარეებისათვის გადაუღალავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა მსგავსი გარემოებით.
- 10.2. ფორს-მაჟორული გარემოებების დადგომის შემთხვევაში ხელშეკრულების დამდებმა მხარე, რომლისთვისაც შეუძლებელი ხდება ნაკისრი ვალდებულებების შესრულება, ვალდებულია დაუყოვნებლივ, მაგრამ არაუგვიანეს 3 სამუშაო დღისა, აცნობოს მეორე მხარეს ნაკისრი ვალდებულებების შეუსრულებლობის შესახებ, სათანადო მიზეზების მითითებით. მოცემულ ვადაში შეუტყობინებლობის შემთხვევაში მიმწოდებელი ვერგავს უფლებას დაეყრდნოს ფორს-მაჟორული გარემოების არსებობას, როგორც პასუხისმგებლობისაგან გათავისუფლების საფუძველს. ფორს-მაჟორის ფაქტი და მისი მიზეზ-შედეგობრივი კავშირი ვალდებულების შეუსრულებლობასთან უნდა დადასტურდეს დოკუმენტალურად;
- 10.3. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

## 11. სადაო საკითხების გადაწყვეტა

- 11.1. მხარეთა შორის წარმოშობილი სადაო საკითხები უნდა გადაწყდეს მხარეთა შეთანხმებით. შეუთანხმებლობის შემთხვევაში ნებისმიერ მხარეს შეუძლია მიმართოს სასამართლოს, საქართველოს კანონდებლობით დადგენილი წესით.

## 12. ხელშეკრულების შესრულების უზრუნველყოფის საბანკო გარანტია

- 12.1. ხელშეკრულებაში გამოყენებულია მიმწოდებლის მხრიდან ხელშეკრულების შესრულების უზრუნველყოფის საბანკო გარანტია მთლიანი სახელშეკრულებო თანხის 5 (ხუთი) პროცენტის ოდენობით, რომლის ვადა მინიმუმ 60 (სამოცი) დღით აღემატება ხელშეკრულების მოქმედების ვადას.
- 12.2. საბანკო გარანტია წარმოდგენილი უნდა იყოს საქართველოს კანონმდებლობის შესაბამისად ლიცენზირებულ საბანკო/სადაზღვევო დაწესებულებიდან. შესაძლებელია ასევე წარმოდგენილი იქნას უცხო ქვეყნის საბანკო დაწესებულების მიერ გაცემული საბანკო გარანტია, რომელიც გადაზღვეული იქნება საქართველოს ეროვნული ბანკის მიერ ლიცენზირებული საბანკო დაწესებულების მიერ.
- 12.3. საბანკო გარანტია უნდა იყოს უპირობო და შემსყიდველს უფლებას აძლევდეს, საბანკო გარანტიის გამცემი დაწესებულებისგან პირველივე მოთხოვნისთანავე, შემსყიდველის მხრიდან ყოველგვარი დასაბუთებისა და დოკუმენტაციის წარდგენის გარეშე, მიიღოს საბანკო გარანტიით განსაზღვრული სრული თანხა.
- 12.4. ხელშეკრულების შესრულების უზრუნველყოფის საბანკო გარანტია გამოიყენება მიმწოდებლის მიერ ხელშეკრულებით ნაკისრი ვალდებულებების შეუსრულებლობის ან არაჯეროვანი შესრულების რისკის თავიდან ასაცილებლად, ასევე, აღნიშნული ქმედებით გამოწვეული ნებისმიერი ზიანის ანაზღაურების მიზნით. აღნიშნულის გათვალისწინებით, ხელშეკრულების შესრულების უზრუნველყოფის საბანკო გარანტიით განსაზღვრული თანხის შემცირება არ განხორციელდება ხელშეკრულების თანახმად დაკისრებული პირგასამტეხლობის თანხის პროპორციულად (გარდა 12.5. პუნქტით გათვალისწინებული შემთხვევებისა), პირგასამტეხლოს გადახდას (ასეთის არსებობის შემთხვევაში) მიმწოდებელი უზრუნველყოფს ამატებით.
- 12.5. იმ შემთხვევაში, თუ ამ ხელშეკრულების 9.3. პუნქტის მიხედვით დარიცხული პირგასამტეხლოს ოდენობა აღემატება მიმწოდებლისათვის ასანაზღაურებელ თანხას და შესაბამისად 6.8. პუნქტის პირობების თანახმად გამოსაქვითი თანხა ვერ ფარავს პირგასამტეხლოს სრულ ოდენობას, შემსყიდველი უფლებამოსილია, სხვაობა აინაზღაუროს ხელშეკრულების შესრულების უზრუნველყოფის საბანკო გარანტიით განსაზღვრული თანხიდან.
- 12.6. მიმწოდებლის მიერ ხელშეკრულებით ნაკისრი ვალდებულების სრულად შესრულების და შემსყიდველის მიერ ამ შესრულების მიღების შემდეგ, ასევე, ფორს-მაჟორული გარემოებების გამო ხელშეკრულების შეწყვეტის შემთხვევაში, შემსყიდველი ვალდებულია დაუბრუნოს მიმწოდებელს ხელშეკრულების შესრულების უზრუნველყოფის საბანკო გარანტია.
- 12.7. მიმწოდებლის მიერ ხელშეკრულების შეწყვეტის შემთხვევაში, შემსყიდველი უფლებამოსილია გამოითხოვოს ხელშეკრულების შესრულების უზრუნველყოფის საბანკო გარანტია და მიიღოს საბანკო გარანტიით განსაზღვრული სრული თანხა.
- 12.8. შემსყიდველის მიერ, ხელშეკრულების 8.4. მუხლით გათვალისწინებულ შემთხვევაში ხელშეკრულების ცალმხრივად შეწყვეტისას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტიით გათვალისწინებული თანხის სრულად გამოთხოვის თაობაზე. ამ შემთხვევაში მიმწოდებელი არ თავისუფლდება შემსყიდველისათვის მიყენებული ზიანის ანაზღაურებისაგან, იმ სხვაობის ფარგლებში, რითაც აღემატება მიყენებული ზიანი ხელშეკრულების შესრულების უზრუნველყოფის საბანკო გარანტიის ოდენობას.
- 12.9. ხელშეკრულების მოქმედების ვადის გაგრძელების შემთხვევაში, მიმწოდებელი ვალდებულია წარმოადგინოს ვადაგაგრძელებული ან ახალი საბანკო გარანტია, რომელიც 60 დღით უნდა აღემატებოდეს ხელშეკრულების გაგრძელებულ ვადას. იმ შემთხვევაში, თუ მიმწოდებელი ხელშეკრულების მოქმედების ვადის გაგრძელების შესახებ შეთანხმების გაფორმებიდან 10 (ათი) სამუშაო დღეში არ ან ვერ უზრუნველყოფს ვადაგაგრძელებული ან ახალი საბანკო გარანტიის წარმოდგენას, შემსყიდველი უფლებამოსილია მიმართოს საბანკო გარანტიის გამცემ დაწესებულებას საბანკო გარანტიით გათვალისწინებული თანხის სრულად გამოთხოვის თაობაზე.
- 12.10. მიმწოდებელი უფლებამოსილია, შემსყიდველის მიერ ხელშეკრულების შესრულების უზრუნველყოფის საბანკო გარანტიის გამოთხოვის პირობების დადგომისას, შესაბამისი თანხა ჩარიცხოს შემსყიდველის საბანკო ანგარიშზე და მოითხოვოს ხელშეკრულების შესრულების უზრუნველყოფის საბანკო გარანტიის დაბრუნება.

## 13. ქვეკონტრაქტორთან დაკავშირებული პირობები

- 13.1. მიმწოდებელი უფლებამოსილია ქვეკონტრაქტორს გადაეცეს მთლიანი სამუშაოების ღირებულებითი მოცულობის არაუმეტეს 30%.
- 13.1.1. იმ შემთხვევაში, თუ მიმწოდებელი ქვეკონტრაქტორს გადასცემს მთლიანი სამუშაოების 10%-დან - 30 %-ის ღირებულებითი მოცულობის სამუშაოებს, მიმწოდებელი ვალდებულია შემსყიდველ ორგანიზაციასთან შეთანხმდეს ზემოაღნიშნული გადაწყვეტილება. ამ შემთხვევაში, ქვეკონტრაქტორს უნდა გააჩნდეს სატენდერო პირობების 2.2.1 პუნქტით გათვალისწინებული გამოცდილება (ფაქტობრივად შესრულებული ღირებულებების ჯამი და შესყიდვის ობიექტის სავარაუდო ღირებულების 50%-ი განსაზღვრება ქვეკონტრაქტორის მიერ შესასრულებელი სამუშაოების ღირებულებიდან გამომდინარე და გამოითვლება შემსყიდველი ორგანიზაციის მიერ შემუშავებული/პრაქტიკაში არსებული დაანგარიშების ფორმულის მიხედვით). გამოცდილების დამადასტურებელი დოკუმენტები უნდა იყოს წარმოდგენილი სატენდერო პირობების 2.2.1 პუნქტით გათვალისწინებული მოთხოვნების შესაბამისად. პრეტენდენტს გამოცდილებაში ჩათვლება იმ ტიპის სამუშაოები, რაც ანალოგიური ან მსგავსი ქვეკონტრაქტორის მიერ შესასრულებელი სამუშაოებისა.
- 13.2. ქვეკონტრაქტორი არ უნდა იყოს დარეგისტრირებული შავ სიაში.

- 13.3. იმ შემთხვევაში, თუ ტენდერით გათვალისწინებულია სარეგისტრაციო/უფლებრივი მონაცემების ამსახველი დოკუმენტ(ებ)ის წარმოდგენა, მიმწოდებელი ვალდებულია შემსყიდველ ორგანიზაციას წარუდგინოს სატენდერო პირობების მე-5 მუხლის შესაბამისი ქვეპუნატით გათვალისწინებული ქვეკონტრაქტორის სარეგისტრაციო/უფლებრივი მონაცემების ამსახველი დოკუმენტ(ებ)ი.
- 13.4. ხელშეკრულებით განსაზღვრული შესაბამისი სამუშაოს ქვეკონტრაქტორზე გადაცემით მიმწოდებელი არ თავისუფლდება ხელშეკრულებით ნაკისრი ვალდებულებებისგან და აღნიშნულ სამუშაოზე შემსყიდველის წინაშე პასუხისმგებელია მიმწოდებელი.

#### 14. ხელშეკრულებაში ცვლილებების შეტანა

- 14.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 14.2. დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 14.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.
- 14.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

#### 15. ხელშეკრულების სხვა პირობები

ხელშეკრულების არც ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

#### 16. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2022 წლის 1 აგვისტოს ჩათვლით.

#### 17. ხარეთა რეკვიზიტები

##### „შემსყიდველი“

შპს „საქართველოს მელიორაცია“  
 მის: თბილისი, გ. გულუას ქუჩა N6  
 ტელ: (995 32) 2 48 01 00.  
 სს თიბისი ბანკი  
 ა/ა GE42TB7484736020100003; ბანკის კოდი: TBCBGE22  
 საიდენტიფიკაციო კოდი: 204524568

##### „მიმწოდებელი“

შპს „ჰიდრო ემ“  
 მის: საქართველო, თბილისი, სამგორის რაიონი, ენუქიძის ქუჩა,  
 №4  
 ტელ: +995597201620; ელ. ფოსტა: hidroem@outlook.com  
 სს ვი-თი-ბი ბანკი  
 ა/ა GE69VT650000000133605; ბანკის კოდი: UGEBGE22  
 საიდენტიფიკაციო კოდი: 406103327

##### „შემსყიდველი“

შპს „საქართველოს მელიორაცია“

თენგიზ ლაკირბაია  
 ტექნიკური დირექტორი

##### „მიმწოდებელი“

შპს „ჰიდრო ემ“

გიორგი ბურკიაშვილი  
 დირექტორი

სატენდერო წინადადების ფასი, ფასების ცხრილი (ხარჯთაღრიცხვა)

ობიექტის დასახელება: მარნეულის მუნიციპალიტეტში, აღმაშენებელი-თამარისის სარწყავი სისტემის მაგისტრალური არხის საწყისი მონაკვეთის რეაბილიტაცია

შ.პ.ს „ჰიდრო ემ“  
(პრეტენდენტის დასახელება)

"—10—"–იანვარი–"2021 წ  
(დაზუსტების თარიღი)

სატენდერო წინადადების ფასი 454082.00 ლარი.  
(თანხა ციფრებით)

(ოთხას ორმოცდა ოთხმეტი ათას ოთხმოცდა ორი ლარი)  
ლარი  
(თანხა სიტყვიერად)

№	შიფრი	სამუშაოს დასახელება	ერთეული განზომილება	რაოდენობა	ერთეულის ღირებულება	საერთო ღირებულება
1	2	3	4	5	6	7
№1		მონოლითური რკინაბეტონის არხის მოწყობა L=205მ				
1		საშუალო სიხშირის ბუჩქნარის ამოძირკვა, შეგროვება და 50 მეტრამდე გადაადგილება	ჰა	0.03	30000.00	900.00
2		ამოძირკვეული ბუჩქნარის დატვირთვა საავტომობილო ტრანსპორტზე ხელით	ტ	9.00	10.00	90.00
3		ბუჩქნარის გატანა ნაყარში	ტ	9.00	10.00	90.00

4	აღმაშენებლის არხზე მოსაპირკეთებელ მონაკვეთზე III კატ. გრუნტის დამუშავება 0.65 მ <sup>3</sup> ჩამჩის ტევადობის ექსკავატორით, გვერდზე დაყრით	მ <sup>3</sup>	1098.00	3.00	3294.00
5	აღმაშენებლის არხზე მოსაპირკეთებელ მონაკვეთზე III კატ. გრუნტის დამუშავება ხელით	მ <sup>3</sup>	33.00	3.00	99.00
6	მდინარის კალაპოტში III კატ. გრუნტის დამუშავება ავტოთვიმცლელელებზე დატვირთვით 0.65 მ <sup>3</sup> ჩამჩის ტევადობის ექსკავატორით	მ <sup>3</sup>	1258.00	3.00	3774.00
7	გრუნტის გადაადგილება 1 კმ-ზე აღმაშენებლის არხის მოსაპირკეთებელ მონაკვეთზე უკუჩაყრისათვის	ტ	2264.40	3.00	6793.20
8	ადგილზე დამუშავებული და მოზიდული გრუნტით აღმაშენებლის არხის მოსაპირკეთებელ მონაკვეთზე გრუნტის უკუჩაყრა 130 ცხ.ძ. ბულდოზერით 10 მ-მდე	მ <sup>3</sup>	2183.00	3.00	6549.00
9	უკანჩაყრილი გრუნტის დატკეპვნა	მ <sup>3</sup>	2183.00	3.00	6549.00
10	წყლის ამოტუმბვა 25 მ <sup>3</sup> /სთ წარმადობის ტუმბოთი (წყალმიმღების ჩამკეტი ფარიდან გამოჟონილი)	მანქ/სთ	1.00	35.00	35.00
	<b>მონოლითური რკინაბეტონის მარტკუთხა არხის მოწყობა კვეთი 1-1 (L=3 გრძ.მ.)</b>				0.00
11	არხის ძირის ფსკერზე ღორღის მოსამზადებელი ფენის მოწყობა, სისქით 20 სმ	მ <sup>3</sup>	3.24	35.00	113.40
12	ღორღის დატკეპვნა ხელის პნევმოსატკეპნით	მ <sup>3</sup>	3.24	3.00	9.72
13	B-22.5 F200 W6 კლასის მონოლითური რკინაბეტონით არხის ძირის მოწყობა	მ <sup>3</sup>	4.68	270.00	1263.60
14	არმატურა Ø14 A500C, შეძენა და მონტაჟი	კგ	327.92	3.15	1032.95
15	არმატურა Ø8 A500C, შეძენა და მონტაჟი	კგ	71.34	3.15	224.72
16	არმატურა Ø8 A240C, შეძენა და მონტაჟი	კგ	16.80	3.15	52.92



17	B-22.5 F200 W6 კლასის მონოლითური რკინაბეტონით არხის კედლების მოწყობა	მ <sup>3</sup>	3.60	270.00	972.00
18	არმატურა Ø14A500C, შეძენა და მონტაჟი	კგ	198.20	3.15	624.33
19	არმატურა Ø8 A500C, შეძენა და მონტაჟი	კგ	49.77	3.15	156.78
20	არმატურა Ø8 A240C, შეძენა და მონტაჟი	კგ	14.00	3.15	44.10
21	არხის ზედაპირზე ჰიდროიზოლაციის მოწყობა ცხელი ბიტუმის (პრაიმერის) მასტიკის 2 ფენის წასმით	მ <sup>2</sup>	14.50	15.00	217.50
22	არსებული ბეტონის კონსტრუქციის დაბურღვა არმატურის ღეროების ჩასაანკერებლად d-16 მმ	ცალი	32.00	3.15	100.80
23	ანკერების Ø14AIII L=0,60 მმ შეძენა მონტაჟი (32ც)	კგ	23.19	3.00	69.58
24	ნახვრეტებში არმატურის ღეროების ჩამაგრება წებოთი - (32ც)	მ <sup>3</sup>	0.39	2.90	1.13
25	ნაკერის მოწყობა ბიტუმში გაჟრენტილი ხის ფიცრით სისქით 3 სმ B=10 სმ	მ	8.60	15.00	129.00
26	ნაკერის შევსება ცხელი ბიტუმით	მ	9.80	15.00	147.00
	<b>მონოლითური რკინაბეტონის მართკუთხა არხის მოწყობა კვეთი 2-2 (L=5 გრძ.მ.)</b>				0.00
27	არხის ძირის ფსკერზე ღორღის მოსამზადებელი ფენის მოწყობა, სისქით 20 სმ	მ <sup>3</sup>	4.60	35.00	161.00
28	ღორღის დატკეპნა ხელის პნევმოსატკეპნით	მ <sup>3</sup>	4.60	3.00	13.80
29	B-22.5 F200 W6 კლასის მონოლითური რკინაბეტონით არხის ძირის მოწყობა	მ <sup>3</sup>	6.30	270.00	1701.00
30	არმატურა Ø14 A500C, შეძენა და მონტაჟი	კგ	463.10	3.15	1458.77
31	არმატურა Ø8 A500C, შეძენა და მონტაჟი	კგ	118.48	3.15	373.21
32	არმატურა Ø8 A240C, შეძენა და მონტაჟი	კგ	28.00	3.15	88.20

33	B-22.5 F200 W6 კლასის მონოლითური რკინაბეტონით არხის კედლების მოწყობა	მ <sup>3</sup>	6.00	270.00	1620.00
34	არმატურა Ø14 A500C, შეძენა და მონტაჟი	კგ	330.33	3.15	1040.54
35	არმატურა Ø8 A500C, შეძენა და მონტაჟი	კგ	82.95	3.15	261.29
36	არმატურა Ø8 A240C, შეძენა და მონტაჟი	კგ	23.33	3.15	73.49
37	არხის ზედაპირზე ჰიდროიზოლაციის მოწყობა ბიტუმის (პრაიმერი) მასტიკის 2 ფენის წასმით	მ <sup>2</sup>	24.00	15.00	360.00
	<b>მონოლითური რკინაბეტონის მარტკუთხა არხის მოწყობა კვეთი 3-3 (L=197 გრძ.მ.)</b>				0.00
38	არხის ძირის ფსკერზე ღორღის მოსამზადებელი ფენის მოწყობა, სისქით 20 სმ	მ <sup>3</sup>	130.00	35.00	4550.00
39	ღორღის დატკეპნა ხელის პნევმოსატკეპნით	მ <sup>3</sup>	130.00	3.00	390.00
40	B-22.5 F200 W6 კლასის მონოლითური რკინაბეტონით არხის ძირის მოწყობა	მ <sup>3</sup>	183.21	270.00	49466.70
41	არმატურა Ø12 A500C, შეძენა და მონტაჟი	კგ	11175.00	3.15	35201.25
42	არმატურა Ø8 A500C, შეძენა და მონტაჟი	კგ	3106.12	3.15	9784.28
43	არმატურა Ø8 A240C, შეძენა და მონტაჟი	კგ	459.59	3.15	1447.71
44	B-22.5 F200 W6 კლასის მონოლითური რკინაბეტონით არხის კედლების მოწყობა	მ <sup>3</sup>	236.40	270.00	63828.00
45	არმატურა Ø12 A500C, შეძენა და მონტაჟი	კგ	9551.51	3.15	30087.26
46	არმატურა Ø8 A500C, შეძენა და მონტაჟი	კგ	3565.34	3.15	11230.82
47	არმატურა Ø8 A240C, შეძენა და მონტაჟი	კგ	919.19	3.15	2895.45
48	არხის ზედაპირზე ჰიდროიზოლაციის მოწყობა ბიტუმის (პრაიმერი) მასტიკის 2 ფენის წასმით	მ <sup>2</sup>	912.00	15.00	13680.00
49	სადეფორმაციო ნაკერის მოწყობა ყოველ 20 მეტრში ბიტუმში გაჟღენთილი ხის ფიცრით სისქით 3 სმ B=10 სმ (10 ცალი)	მ	55.00	15.00	825.00

50		ნაკერის შევსება ცხელი ბიტუმით	მ	77.00	3.00	231.00
		<b>სულ №1</b>				<b>264101.49</b>
<b>№2</b>		<b>ხარისხოვანი ფლეთილი ქვის წყობის და დროებითი სარეაბილიტაციო გზის მოწყობა</b>				
1	1	აღმაშენებლის არხის დაცვის მიზნით ქვის წყობის მოწყობის მონაკვეთზე მდინარის კალაპოტში III კატ გრუნტის დამუშავება ავტოთვიმცლელზე დატვირთვით 0.65 მ <sup>3</sup> ჩამჩის ტევადობის ექსკავატორით	მ <sup>3</sup>	1388.50	3.00	4165.50
2	2	გრუნტის გადაადგილება 1 კმ-ზე აღმაშენებლის არხის მოსაპირკეთებელ მონაკვეთზე	ტ	2499.30	3.00	7497.90
3	3	აღმაშენებლის არხის დაცვის მიზნით ქვის წყობით მოპირკეთების მონაკვეთზე III კატ გრუნტის დამუშავება 0.65 მ <sup>3</sup> ჩამჩის ტევადობის ექსკავატორით, ფერდის ზევით დაყრით	მ <sup>3</sup>	1184.00	3.00	3552.00
4		აღმაშენებლის არხის დაცვის მიზნით ქვის წყობით მოპირკეთების მონაკვეთზე III კატ გრუნტის დამუშავება 0.65 მ <sup>3</sup> ჩამჩის ტევადობის ექსკავატორით, გერდზე მდინარის კალაპოტში დაყრით	მ <sup>3</sup>	2271.00	3.00	6813.00
5		დამუშავებული გრუნტის მოსწორება ადგილზე 20 მეტრზე გადაადგილებით ბულდოზერით	მ <sup>3</sup>	2271.00	3.00	6813.00
6		დროებითი სარეაბილიტაციო გზის ორმოების შევსება დამუშავებული გრუნტით 130 ცხ.მ. ბულდოზერით	მ <sup>3</sup>	283.00	3.00	849.00
7		ბულდოზერით დამუშავებული გრუნტის დატკეპნა პნევმოსატკეპნით	მ <sup>3</sup>	283.00	3.00	849.00
8		დროებითი სარეაბილიტაციო გზის მოწყობა ქვიშა-ხრემოვანი ნარევით, ფენის სისქით 15 სმ L=98 გრძ.მ	მ <sup>3</sup>	75.00	25.00	1875.00

9	ქვის წყობის მთელ სიგრძეზე გრუნტის დატკეპვნა პნევმოსატკეპვნიტ	მ <sup>2</sup>	1600.00	3.00	4800.00
10	აღმაშენებლის არხის დაცვის მიზნით მდინარის ნაპირის ფერდის გამაგრება ხარისხოვანი ფლეთილი ქვის წყობით Ø50÷90 სმ-30%, Ø100 სმ-70%	მ <sup>3</sup>	2073.00	28.00	58044.00
11	დამუშავებული გრუნტით არსებული ძველი მიწის არხის შევსება ბულდოზერით და ადგილზე მოსწორება 10 მეტრზე გადაადგილებით	მ <sup>3</sup>	990.00	3.00	2970.00
12	უკან ჩაყრილი გრუნტის დატკეპვნა	მ <sup>3</sup>	990.00	3.00	2970.00
	<b>სულ №2</b>				<b>101198.40</b>
<b>№3</b>	<b>ბეტონის მართკუთხა კვეთის არხიდან ტრაპეციული კვეთის მიწის არხში გადამყვანი კვანძი კვ2+05.00</b>				
1	III კატ გრუნტის დამუშავება 0.65 მ <sup>3</sup> ჩამჩის ტევადობის ექსკავატორით, გვერდზე დაყრით	მ <sup>3</sup>	2.70	3.00	8.10
2	III კატ გრუნტის დამუშავება ხელით	მ <sup>3</sup>	1.50	3.00	4.50
3	ღორღის მოსამზადებელი ფენა	მ <sup>3</sup>	2.30	35.00	80.50
4	ღორღის დატკეპვნა ხელის პნევმოსატკეპვნიტ	მ <sup>3</sup>	2.30	3.00	6.90
5	B-22.5 F200 W6 კლასის მონოლითური რკინაბეტონით მიმართველი ფრთების მოწყობა	მ <sup>3</sup>	13.50	270.00	3645.00
6	არმატურა Ø14 A500C, შეძენა და მონტაჟი	კგ	871.55	3.15	2745.38
7	არმატურა Ø8 A500C, შეძენა და მონტაჟი	კგ	125.26	3.15	394.57
8	დამუშავებული და მოზიდული გრუნტის აღმაშენებლის არხის მოსაპირკეთებელ მონაკვეთზე გრუნტის უკუჩაყრა ბულდოზერით	მ <sup>3</sup>	125.00	3.00	375.00
9	შევსებული გრუნტის დატკეპვნა პნევმოსატკეპვნიტ	მ <sup>3</sup>	125.00	3.00	375.00
10	B-7.5 კლასის მონოლითური ბეტონით არხის კბილის მოწყობა	მ <sup>3</sup>	1.50	200.00	300.00

11	არხის მიმმართველი ფრთების გარე ზედაპირზე ჰიდროიზოლაციის მოწყობა ბიტუმის (პრაიმერის) 2 ფენის წასმით	მ	24.00	15.00	360.00
12	დამუშავებული გრუნტის მოსწორება ადგილზე 130 ცხმ ბულდოზერით	მ <sup>3</sup>	4.20	2.91	12.20
	<b>სულ №3</b>				<b>8307.15</b>
	<b>სულ ჯამი №1 ÷ №3</b>				<b>373607.04</b>
	გათვალისწინებელი ხარჯები 3%				11208.21
	ჯამი				384815.25
	დღგ 18%				69266.75
	<b>სულ ხარჯთაღრიცხვით</b>				<b>454082.00</b>

**შენიშვნა:**

- 1) ზედნადები ხარჯები და გეგმიური მოგება გათვალისწინებულია შემოთავაზებულ ერთეულის ღირებულებაში.
- 2) დაგროვებადი პენსიის გადასახადი (2% ხელფასის ფონდიდან) გათვალისწინებულია ხარჯთაღრიცხვის ღირებულებაში.

# ხელშეკრულების შესრულების საგარანტიო უზრუნველყოფა უპირობო საბანკო გარანტია

№ CPB/22 - 006911 31.01.2022წ.

ვის: შპს საქართველოს მელიორაციას ს/კ: 204524568 (შემდგომში „ბენეფიციარი“)

მხედველობაში ვიღებთ რა, რომ შპს ჰიდრო ემ, ს/კ 406103327 (შემდეგ – „პრინციპალი“) "მარნეულის მუნიციპალიტეტში, აღმაშენებელი-თამარისის სარწყავი სისტემის მაგისტრალური არხის საწყისი მონაკვეთის რეაბილიტაციის" სამუშაოებზე (NAT210020807) წარდგენილი თავისი წინადადების შესაბამისად, იკისრა ვალდებულება წარმოადგინოს გამოუთხოვადი და უპირობო (რაც გულისხმობს, რომ საგარანტიო თანხის ანაზღაურების შესახებ ბენეფიციარის წერილობით მოთხოვნაში მითითებული უნდა იყოს თუ რაში გამოიხატება პრინციპალის მიერ ვალდებულების დარღვევა, მოთხოვნისა და/ან მოთხოვნილი თანხის ყოველგვარი დასაბუთების და ყველანაირი დამატებითი დოკუმენტაციის წარდგენის ვალდებულების გარეშე) საბანკო გარანტია მასზე დაკისრებული ვალდებულებების შესრულების გარანტიის სახით, ბენეფიციართან გასაფორმებელ ხელშეკრულებაში (შემდგომში „ხელშეკრულება“) მითითებულ თანხაზე. ჩვენ, სს „არდი დაზღვევა“ (მის.: ქ. თბილისი, ვაჟა-ფშაველას გამზ. №3) (შემდგომში „გარანტი“), თანახმა ვართ გავცეთ პრინციპალის სახელზე ზემოთ აღნიშნული საბანკო გარანტია. ამასთან დაკავშირებით,

### ვადასტურებთ, რომ:

გართ გარანტები და პასუხისმგებლები თქვენს წინაშე საერთო თანხაზე 22,705 (ოცდაორი ათას შვიდას ხუთი) ლარი და ვკისრულობთ ზემოაღნიშნული თანხის გადახდას პრინციპალის მიერ ხელშეკრულების პირობების დარღვევის საფუძველზე, თქვენი პირველივე წერილობითი მოთხოვნისთანავე 5 (ხუთი) სამუშაო დღის ვადაში. ამასთან, საგარანტიო თანხის ანაზღაურების მოთხოვნა ბენეფიციარის მიერ უნდა წარმოგვედგინოს ხელმოწერილი წერილობითი ფორმით, აღნიშნულიდან გამომდინარე, ნებისმიერი მოთხოვნა ან პრეტენზია ბენეფიციარის მიერ წარმოდგენილი უნდა იქნეს საბანკო გარანტიის ვადის გასვლამდე, გარანტის ზემოთ მითითებულ მისამართზე.

გარანტია ძალაშია 31.01.2022 -დან 30.09.2022-ჩათვლით.

საბანკო გარანტია ავტომატურად უქმდება:

- საბანკო გარანტიის ვადის გასვლით
- ბენეფიციარის მიერ გარანტიიდან გამომდინარე თავის უფლებებზე წერილობითი უარის თქმითა და საბანკო გარანტიის ორიგინალის გარანტისათვის დაბრუნებით
- გარანტის მიერ საგარანტიო თანხის ბენეფიციარისთვის სრულად გადახდით.

წინამდებარე საბანკო გარანტია რეგულირდება საქართველოს კანონმდებლობით.

სს არდი დაზღვევა  
JSC ARDI INSURANCE

404858631

საბანკო გარანტიის  
დეპარტამენტის უფროსი

მთავარი ქამუშაძე

## ხელწერილი

### ინტერესთა კონფლიქტის არარსებობის შესახებ

„სახელმწიფო შესყიდვების შესახებ“ საქართველოს კანონის მე-8 მუხლის თანახმად ხელშეკრულებაზე ხელის მომწერი პირი, შემსრულებელი, კონტროლის განმახორციელებელი პირ(ებ)ი, წერილის ავტორი და ვიზის დამდები პირები ვადასტურებთ, რომ არ ვიმყოფებით ინტერესთა კონფლიქტში წინამდებარე ხელშეკრულებაში მოცემულ მიმწოდებელთან. ინტერესთა კონფლიქტის არარსებობის შესახებ დასტური მიღებულია ელექტრონულად.